



UNJAM LAUT DALAM... Nasir (tengah) disaksikan Dr. Kassim (lima kiri); Ismail Ali (empat kiri); Tahir Amir (tiga kiri) dan sebahagian penduduk dan mahasiswa memotong pita sempena melancar rasmi Pembuangan Payao (Unjam laut dalam) di kawasan laut Pulau Mabul sempena program Perdana MASKUM di Semporna.

Transformasi luar bandar pelengkap transformasi negara maju: Nasir

NST 15/11/2011 4

SEMPORNA: Usaha mentransformasikan negara menjadi maju tidak akan lengkap jika perancangan pembangunan fizikal dan persekitaran kawasan luar bandar.

Meskipun begitu membangun kawasan luar bandar pula bukannya suatu poses mudah kerana ia melibatkan pembangunan fizikal dan persekitaran yang luas serta menghadapi cabaran yang sukar.

Namun dengan komitmen kerajaan yang berterusan, pembangunan luar bandar mampu digerakkan di mana transformasi pembangunan ini akan menjadi lebih mudah direalisasikan apabila aspek pemikiran manusia turut disasarkan sebagai salah satu mekanisme menggagahi segala rencana pembangunan fizikal yang dijalankan.

Menteri DiJabatan Ketua Menteri, Datuk Sri Haji Nasir Tun Sakaran, menjelaskan aspek pemikiran manusia berhubungkait dengan penguasaan minda dan minda yang cerdas berkeupayaan tinggi mampu membawa kepada pembangunan insan.

Katanya, pembangunan insan bermaksud menghasilkan individu atau sekumpulan individu yang mampu berusaha membangunkan kampung mereka sendiri dan berkebolehan memikirkan idea-idea yang baru dan praktikal serta menguntungkan.

Sehubungan itu, sesebuah projek hanya akan berjaya dan berjalan lancar sekiranya wujud kesedaran dan disiplin yang tinggi dalam kalangan masyarakat itu sendiri.

Nasir berkata demikian sempena merasmikan majlis penutupan Program Perdana Majlis Kesukarelawanan Mahasiswa/Mahasiswi (MASKUM) anjuran bersama Sekretariat KPT; Universiti Malaysia Sabah (UMS); Universiti Pertahanan Nasional Malaysia (UPNM); Kolej Kediaman Kingfisher dan Universiti Malaysia

Sarawak (UNIMAS) di Kampung Pokas.

Hadir sama dalam majlis itu Timbalan Naib Canselor Hal Ehwal Pelajar & Alumni UMS, ACP Kehormat Prof. Madya Datuk Dr. Kassim Hj. Mansur; Timbalan Naib Canselor UPNM merangkap Pengerusi MASKUM IPTA, Prof. Wan Mahzom Ahmad Shah; Dekan Pusat Penataran Ilmu & Bahasa UMS merangkap Penyelaras MASKUM Semporna, Prof. Madya Ismail Ali serta pemimpin-pemimpin masyarakat tempatan.

Program selama lima hari bermula 7 November itu disertai 60 mahasiswa/mahasiswi daripada UMS; UNIMAS dan UPNM itu dilaksanakan di tiga kampung termasuk Kampung Pulau Mabul; Kampung Kabimbangan Pulau Bum-Bum dan Kampung Pokas merupakan salah satu bentuk obligasi sosial pihak universiti dalam memacu taraf sosio-ekonomi masyarakat luar bandar.

Selain itu ia bertujuan mengenal pasti dan melaksanakan program sosio ekonomi yang sesuai dengan sesebuah masyarakat dimana sejumlah dana diperuntukkan bagi menampung kos projek dengan keunikan program melibatkan penduduk dan mewajibkan penglibatan pelajar yang konsisten bersama masyarakat kampung yang terpilih.

Nasir berkata, kerajaan sentiasa berusaha memastikan pembangunan rakyat diberi perhatian utama justeru itu, program-program pembangunan telah diperkenalkan dan dilaksanakan sepanjang masa oleh pelbagai agensi kerajaan yang bertanggungjawab.

Beliau menambah, menerusi penglibatan masyarakat atau "Community Engagement" pihak universiti berkeupayaan mendekati masyarakat luar bandar dengan dua objektif penting iaitu segala program yang dijalankan sedikit sebanyak memberi impak positif kepada sosio



SIJIL PENYERTAAN... Nasir (kanan) disaksikan Dr. Kassim (kiri) dan Wan Mahzom (dua kanan) menyampaikan sijil penyertaan kepada ketua mahasiswa sempena majlis Program Perdana MASKUM IPTA di Kampung Pokas, Semporna.



PERIKSA KESIHATAN... Nasir (duduk) diiringi Dr. Kassim (dua kanan); Ismail Ali (kanan) turut memeriksa kesihatan dikendalikan mahasiswa dan mahasiswi sempena Program Perdana MASKUM di Kampung Pokas, Semporna.



KENANGAN MASKUM... Nasir (enam kiri); Dr. Kassim (enam kanan); Mahzom (lima kiri); Prof. Madya Ismail Ali (kiri) dan sebahagian pemimpin tempatan mengabadikan gambar kenangan sempena Program Perdana MASKUM di Pulau Mabul, Semporna.

ekonomi masyarakat dan pembangunan pelajar dan program yang dijalankan dapat mengetengahkan kewujudan universiti sebagai sebuah pusat pengajian ilmu.

"Kita yakin program kemasyarakatan yang dianjurkan oleh pihak universiti ini akan mampu merealisasikan usaha kerajaan menangani jurang ilmu yang luas antara masyarakat bandar dan luar bandar," kata Nasir.

Nasir berkata, berdasarkan teori "layman" yang bermaksud seseorang memiliki kemahiran melakukan sesuatu kerja disebabkan kekerapan melakukannya sejak sekian lama seperti projek ternakan ikan dalam sangkar dan masyarakat nelayan tempatan tidak begitu memerlukan bimbingan kerana telah mewarisi kemahiran sejak

berzaman.

Sehubungan itu, Nasir memuji usaha pihak universiti yang begitu komited menganjurkan program untuk membantu masyarakat luar bandar dan berharap usaha seumpama itu akan berterusan bagi memacu pembangunan rakyat seiring dengan hasrat kerajaan yang mendahulukan rakyat dan mengutamakan pencapaian.

Sempena majlis itu juga Nasir melancarkan pemasangan dua bPayao (unjam laut dalam) di kawasan lautan Pulau Mabul-Sipadan untuk kemudahan kaum nelayan, beramah mesra dengan penduduk pulau Mabul dan menyampaikan sijil penyertaan kepada semua peserta MASKUM IPTA di Kampung Pokas.